

O **idioma samoano** (*gagana Samoa*) é unha lingua austronesia do grupo malaio-polinesio oriental, orixinaria de Samoa e falada principalmente nese país, na veciña colonia estadounidense de Samoa Americana e en Nova Zelandia.

Clasificación

De acordo co sistema de clasificación tradicional de linguas polinesias, o samoano forma parte das linguas samoicas que son unha das dúas pólas descendentes do protopolinesio nuclear. Segundo un sistema de

<div><div><div><div><div></div></div><div><div></div></div></div><div><div><div></div></div><div><div></div></div></div><div><div><div></div></div><div><div></div></div></div></div></div> <div>Samoano Gagana Samoa</div>		
Falado en:	<div><div><div><u>Samoa</u></div></div><div><div><u>Samoa Americana</u></div></div><div><div><u>Nova Zelandia</u></div></div><div><div><u>Tonga</u>^[<i>Cómpre referencia</i>]</div></div></div>	
Total de falantes:	370.337	
Posición:	<i>Non está entre as 100 máis faladas</i>	
Familia:	<div>Austronesio<ul style="list-style-type: none">Malaio-Polinesio<ul style="list-style-type: none">Malaio-Polinesio Nuclear<ul style="list-style-type: none">Malaio-polinesio centro-oriental<ul style="list-style-type: none">Malaio-polinesio oriental<ul style="list-style-type: none"><u>Oceánico</u><ul style="list-style-type: none">Oceánico centro-oriental<ul style="list-style-type: none">Oceánico remoto<ul style="list-style-type: none">Pacífico Central<ul style="list-style-type: none">Fidxiano oriental-polinesio<ul style="list-style-type: none"><u>Polinesio</u><ul style="list-style-type: none">Polinesio nuclear<ul style="list-style-type: none">Samoico</div>	
<div>Samoano</div>		
Escrita:	<div><div><u>Alfabeto latino</u></div></div>	
<div>Estatuto oficial</div>		
Lingua oficial de:	<div><div><div><u>Samoa</u></div></div><div><div><u>Samoa Americana</u></div></div></div>	
Regulado por:	<i>Sen regulador oficial</i>	
<div>Códigos de lingua</div>		
ISO 639-1:	sm	
ISO 639-2:	smo	

clasificación revisado, proposto por Jeff Marck en "*Topics in Polynesian language and culture history*" (2000), o samoano descende do protoelliseano, que á súa vez sería unha das once ramas do protopolinesio nuclear e incluíría ademais o elliseano exterior e as linguas polinesias orientais.^[1]

Entre os cambios de son que presenta o samoano con respecto ás formas reconstruídas do propopolinesio atópanse a neutralización de /r/ e /l/ nun único son /l/ e a mudanza de /k/ pola oclusiva glotal /ʔ/. Pola contra, permanece a fricativa /s/ que noutras linguas foi substituída por /h/.

Fonoloxía e escritura

Os fonemas do samoano son 16, 5 vogais e 10 consoantes. Escríbese cun alfabeto latino de 16 letras, unha para representar cada fonema: **a, f, g, i, l, m, n, o, p, s, t, u, v** e **'**. Adicionalmente existen as letras h, k e r para escribir préstamos doutras linguas.^[2]

As cinco vogais poden ser breves ou longas, no segundo caso márcanse cun macron (¯). Estas diferenzas de lonxitude vocálica teñen carácter fonético e permiten distinguir palabras.

	<u>bilabial</u>	<u>labiodental</u>	<u>alveolar</u>	<u>velar</u>	<u>glotal</u>
<u>nasal</u>	m		n	ŋ	
<u>oclusiva</u>	p	t			ʔ
<u>fricativa</u>		f v	s		
<u>vibrante</u>			l		

A consoante nasal velar /ŋ/ escríbese cun **g** e a oclusiva glotal xorda /ʔ/ mediante o símbolo **'**. As demais letras representan os mesmos valores que teñen no Alfabeto Fonético Internacional.

A formación de sílabas é bastante restritiva pois, como en todas as linguas polinesias, as consoantes só poden estar no principio da sílaba e non poden estar en grupos. As vogais poden ir soas ou acompañadas dunha consoante e outra vogal. Segundo isto, as sílabas posibles son vogal, vogal-vogal, consoante-vogal e consoante-vogal-vogal.

O acento usualmente ponse na penúltima sílaba, aínda que existen varias excepcións: acentúase a última sílaba de palabras terminadas en vogal longa, en ditongo ou cando se desexa enfatizar un termo. Ademais as palabras compostas reteñen os seus acentos.^[3]

Gramática

Xénero e número

No samoano non existe o xénero gramatical, que é unha división das palabras en clases frecuente en moitos idiomas e que non necesariamente coincide co xénero natural (sexo).

ISO 639-3: smo (<http://www.sil.org/iso639-3/documentation.asp?id=smo>)



O sexo de persoas, animais e algunhas plantas indícase por medios léxicos, xa sexa usando termos diferentes (*tane*, "home", *fafine*, "muller") ou antepoñendo os adxectivos *po'a*, "macho" e *fafine*, "femia".^[4]

Nos pronomes persoais e posesivos existen tres gradacións de número: singular, dual e plural, que se indican mediante palabras diferentes para cada unha. En cambio, nos substantivos o singular e o plural sinálanse por medio de artigos e outros determinantes e non hai o dual propiamente dito.

Pronomes

Os pronomes persoais do samoano teñen tres persoas: primeira, segunda e terceira; tres gradacións de número: singular, dual e plural. Ademais, fai distinción entre primeira persoa inclusiva^[5] (o oínte forma parte dela) e primeira persoa exclusiva (o oínte non forma parte).

	singular	dual	plural
primeira persoa	<i>inclusiva</i> : tā <i>exclusiva</i> : a'u , 'ou	<i>incl.</i> : tā, tā'ua <i>excl.</i> : mā, mā'ua	<i>incl.</i> : tātou <i>excl.</i> : mātou
segunda persoa	'oe, 'e	'oulua	'outou, tou
terceira persoa	ia, na	lā'ua	lātou

Notas

- Otsuka, Yuko (2005). University of Hawai'i, ed. "History of Polynesian Languages" (PDF). Arquivado dende o orixinal (PDF) o 11 de setembro de 2006. Consultado o 22 de abril de 2012.
- Omniglot. Writing Systems and Languages of the World. "Samoan (Gagana Samoa)". Consultado o 22 de abril de 2012.
- Pratt, George (1984). "Syllable. Accent". En Papakura: R.McMillan. *A Grammar and Dictionary of the Samoan Language, with English and Samoan Vocabulary. Third and Revised Edition*.
- Pratt, George (1984). "Words. 2. The Noun". En Papakura: R.McMillan. *A Grammar and Dictionary of the Samoan Language, with English and Samoan Vocabulary. Third and Revised Edition*.
- Na primeira persoa inclusiva singular, o falante expresa a súa implicación emocional na oración.

Véxase tamén

Bibliografía

- Pratt, George (1984). Papakura: R.McMillan, ed. *A Grammar and Dictionary of the Samoan Language, with English and Samoan Vocabulary. Third and Revised Edition*.

Ligazóns externas

- Dicionario samoano-inglés (<https://web.archive.org/web/20040412195550/http://www.websters-online-dictionary.org/definition/Samoan-english/>)



Existe unha versión da Wikipedia en ***Lingua samoana***

A última edición desta páxina foi o 21 de febreiro de 2020 ás 19:52.

Todo o texto está dispoñible baixo a [licenza Creative Commons recoñecemento compartir igual 3.0](#); pódense aplicar termos adicionais. Consulte os [termos de uso](#) para obter máis información.

Wikipedia® é unha marca rexistrada da [Wikimedia Foundation, Inc.](#), unha organización sen fins lucrativos.